

Spremnost implementatora za realizaciju projekta – bodovanje:

Stepen usklađenosti s kriterijem	Mali	Srednji	Veliki	Projekat nije usklađen	Informacija nije dostupna	Ponder Mx1, Sx5, Vx10	Bodovi
Spremnost implementatora	☐	☐	☐	☐	☐		

Kriterij: Spremnost implementatora za realizaciju projekta

Max 10 bodova

Naziv projekta _____

Prilog 3

PLAN NABAVKE

Valuta: KM

									Vremenski plan						
1	2	3	4				5		6	7	8	9	10	11	12
Broj	Opis	Procijenjena vrijednost ugovora	Finansiranje: Izvor i iznos sredstava				Vrsta ugovora	Opis ugovora	Metoda nabavke	Predmet dodatnog pregleda/selekcije	Poziv za pretkval. (datum)	Rezultat pretkvalif. (datum)	Objava tendera (datum)	Dodjela ugovora (datum)	Završetak Ugovora (datum)
	Projekat (Capex)														
1		0													
2		0													
3		0													
4		0													
5		0													
	Total Capex	0	0	0	0	0	0								
	Tehnička pomoć i drugo														
1		0													
2		0													
3		0													
4		0													
5		0													
	Total Tehnička pomoć i drugo	0	0	0	0	0	0								
	Ostali troškovi														
1		0													
2		0													
3		0													
4		0													
5		0													
	Total Ostali troškovi	0	0	0	0	0	0								
	Total:	0	0	0	0	0	0								

Napomene:

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 56. sjednici održanoj 26.12.2024. godine, donijela je

ODLUKU

**O DAVANJU SAGLASNOSTI ZA PRIHVATANJE
INVESTICIONOG GRANTA EVROPSKE UNIJE KOJU
PREDSTAVLJA EVROPSKA KOMISIJA (U OKVIRU
INSTRUMENTA PRETPRISTUPNE POMOĆI
USPOSTAVLJENOG UREDBOM 231/2014 EVROPSKOG
PARLAMENTA I VIJEĆA OD 11. MARTA 2014. G IPA
II) PO OSNOVU UGOVORA O GRANTU IZMEĐU
BOSNE I HERCEGOVINE I EVROPSKE BANKE ZA
OBNOVU I RAZVOJ ZA PROJEKAT VODOVOD
SARAJEVO**

Član 1.

Kanton Sarajevo (u daljnjem tekstu: Kanton) prihvata investicioni grant Evropske unije koju predstavlja Evropska komisija (u okviru instrumenta pretpristupne pomoći uspostavljenog Uredbom 231/2014 Evropskog parlamenta i Vijeća od 11. marta 2014. g IPA II) po osnovu Ugovora o grantu između Bosne i Hercegovine (u daljnjem tekstu: BiH) i Evropske banke za obnovu i razvoj (u daljnjem tekstu: EBRD)

za Projekat vodovod Sarajevo (u daljnjem tekstu: Projekat) u iznosu do 3.820.000 EUR.

Član 2.

Sredstva granta iz člana 1. ove odluke koristit će se za sufinansiranje Projekta, koji se implementira zajmom EBRD. Grant će se realizovati u svrhu rekonstrukcije prioritetnih komponenti sistema vodosnabdijevanja u Kantonu kako bi se smanjila neprihodovana voda (gubici vode) i poboljšala ukupna učinkovitost vodosnabdijevanja. Za izgradnju, radove i opremu za modernizaciju crpnih agregata i bunara (u IV fazi Projekta).

Član 3.

Vlada Kantona Sarajevo potvrđuje da je dokumentacija prihvatljiva za Kanton, a posebno:

- Nacrt ugovora o grantu između BiH i EBRD-a.

Član 4.

- (1) Sredstva granta iz člana 1. ove odluke, prenijet će se na Kanton potpisivanjem podugovora o grantu između Federacije BiH i Kantona. Navedenim podugovorom o grantu Federacija BiH će prenijeti prava i obaveze na Kanton pod istim uslovima, a u skladu sa odredbama Ugovora o grantu.
- (2) Kanton Sarajevo će prenijeti grant na Kantonalno javno komunalno preduzeće "Vodovod i kanalizacija" d.o.o. Sarajevo kao krajnjem korisniku, zaključivanjem odgovarajućeg podugovora o grantu i stavljanju na

raspolaganje sredstava granta, pod istim uslovima, a u skladu sa odredbama Ugovora o grantu.

Član 5.

- (1) Daje se saglasnost za zaključivanje podugovora o grantu između Federacije BiH i Kantona, podugovora o grantu između Kantona i Kantonalnog javnog komunalnog preduzeća "Vodovod i kanalizacija", d.o.o. Sarajevo za grant iz člana 1. ove odluke.
- (2) Za potpisivanje naprijed navedenih podugovora o grantu kao i instrumenata obezbjeđenja namjenskog utroška granta koji proizilaze iz Podugovora o grantu između Federacije BiH i Kantona, ovlašćuje se premijer Kantona.

Član 6.

- (1) U svrhu osiguranja savjesnog korištenja sredstava granta Kanton je dužan dostaviti Federaciji Bosne i Hercegovine pet potpisanih i ovjerenih bjanko mjenica sa klauzulom "bez protesta" i Mjeničnom izjavom potpisanom i ovjerenom od strane premijera Kantona.
- (2) U svrhu osiguranja savjesnog korištenja sredstava granta Kantonalno javno komunalno preduzeće "Vodovod i kanalizacija" d.o.o. Sarajevo je dužno dostaviti Kantonu Sarajevo pet potpisanih i ovjerenih bjanko mjenica sa klauzulom "bez protesta" i Mjeničnom izjavom potpisanom i ovjerenom od strane direktora Kantonalnog javnog komunalnog preduzeća "Vodovod i kanalizacija" d.o.o. Sarajevo.

Član 7.

U periodu implementacije grant sredstava potrebno je iz Budžeta Kantona na Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo ili Finansijskog plana Kantonalno javno komunalno preduzeće "Vodovod i kanalizacija" d.o.o. Sarajevo osigurati sredstva za plaćanje PDV-a i drugih naknada.

Član 8.

Za realizaciju ove odluke i izvještavanje zadužuju se Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, Ministarstvo finansija Kantona i Kantonalnog javnog komunalnog preduzeća "Vodovod i kanalizacija" d.o.o. Sarajevo, svako u okviru svoje nadležnosti.

Član 9.

Implementacija Ugovora o grantu iz člana 1. ove odluke ne zahtijeva donošenje novih ili izmjenu postojećih zakona.

Član 10.

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-54842-7/24

26. decembra 2024. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 19. Zakona o predškolskom odgoju i obrazovanju u Kantonu Sarajevo ("Službene novine Kantona Sarajevo", broj 26/08, 21/09, 33/21 i 31/22), Vlada Kantona Sarajevo, na 56. sjednici održanoj 26.12.2024. godine, donijela je

ODLUKU

**O DAVANJU PRETHODNE SAGLASNOSTI ZA
OSNIVANJE PRIVATNE PREDŠKOLSKKE USTANOVE
"KINDERHAUS"**

Član 1.

Daje se prethodna saglasnost osnivaču Salkić Asji za osnivanje Privatne predškolske ustanove "Kinderhaus" sa sjedištem u Sarajevu, Skenderija 15, Općina Centar Sarajevo.

Član 2.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-54842-11/24

26. decembra 2024. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 27. i 29. stav (2) Zakona o ustanovama ("Službeni list RBiH", broj 6/92, 8/93 i 13/94), člana 109. stav (5) i 110. stav (4) Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24), a u vezi sa članom 6. stav (1) i 14. tačka c) Pravilnika o izboru, kriterijima za izbor, nadležnostima i radu direktora srednjih škola Kantona Sarajevo ("Službene novine Kantona Sarajevo", broj 46/18), Vlada Kantona Sarajevo, na 56. sjednici održanoj 26.12.2024. godine, donijela je

ODLUKU

**O DAVANJU SAGLASNOSTI NA ODLUKU ŠKOLSKOG
ODBORA JAVNE USTANOVE ŠKOLA ZA SREDNJE
STRUČNO OBRAZOVANJE I RADNO
OSPOSOBLJAVANJE SARAJEVO O RAZRJEŠENJU
DUŽNOSTI DIREKTORICE PRIJE ISTEKA MANDATA
PO OSNOVU LIČNO PODNESENE NEOPOZIVE
OSTAVKE, BROJ 01-1-1364/24 OD 16.12.2024. GODINE**

Član 1.

Daje se saglasnost na Odluku Školskog odbora Škola za srednje stručno obrazovanje i radno osposobljavanje Sarajevo o razrješenju dužnosti direktorice prije isteka mandata na osnovu lično podnesene neopozive ostavke direktorice, broj 01-1-1364/24 od 16.12.2024. godine, kojom se Hasanović Larisa razrješava dužnosti direktorice Javne ustanove Škola za srednje stručno obrazovanje i radno osposobljavanje Sarajevo, na lični zahtjev.

Član 2.

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-04-54842-12/24

26. decembra 2024. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 2. Odluke o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe ("Službene novine Kantona Sarajevo", broj 18/20) i člana 6. stav (2) i 7. Odluke o kriterijima za izbor i imenovanje predsjednika i